



Broj: 02-02-1643/17

Datum: 19.10.2017. godine

ZAPISNIK
SA MANDATNO-IMUNITETSKE KOMISIJE
ODRŽANE 19.10.2017. GODINE

Prisutni:

1. Snežana Omukić, predsjedavajuća Komisije
2. Nuko Grebović, zamjenik Predsjedavajuće
3. Toni Vukadi, član
4. Adnan Talić, član
5. Edina Gabela, članica
6. Barbara Peleš Stroil, članica

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Po ovlaštenju Gradonačelnika sjednici prisustvovala:

- Dragana Solaković, pomoćnik Gradonačelnika za lokalnu samoupravu i EU

Predsjedavajući je otvorio sjednicu pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu prethodne sjednice Mandatno-imunitetske komisije održane 21.09.2017. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Izmjena i dopuna Programa rada Gradskog vijeća Grada Sarajeva za 2017. godinu
2. Nacrt Programa rada Gradskog vijeća Grada Sarajeva za 2018. godinu
3. Nacrt Politike Grada Sarajeva za mandatni period 2016-2020
4. Predlaganje tema za Program rada Skupštine Kantona Sarajevo za 2018. godinu
5. Mišljenje o Prednacrtu Zakona o lokalnoj samoupravi Kantona Sarajevo
6. Tekuća pitanja

TAČKA 1.

Prijedlog Izmjena i dopuna Programa rada Gradskog vijeća Grada Sarajeva za 2017. godinu

Poslije kratkih uvodnih napomena, te rasprave i sažetka Predsjedavajućeg jednoglasno je usvojen sljedeći **zaključak**:

Mandatno-imunitetske komisija sugerira Gradskom vijeću da razmatra Izmjene i dopune Programa rada Gradskog vijeća Grada Sarajeva za 2017. godinu kako su i predložene.



TAČKA 2.

Nacrt Programa rada Gradskog vijeća Grada Sarajeva za 2018. godinu

Poslije kratkih uvodnih napomena, te rasprave i sažetka Predsjedavajućeg jednoglasno su usvojeni sljedeći **zaključci**:

1. Mandatno-imunitetska komisija sugerira Gradskom vijeću da razmatra Nacrt Programa rada Gradskog vijeća Grada Sarajeva za 2018. godinu kako je predložen i uputi ga u javnu raspravu uz uvažavanje sljedećeg zaključka.
2. Mandatsko imunitetska komisije upućuje prijedlog Gradskom vijeću da svojim zaključkom zaduži Gradonačelnika da tokom javne rasprave o Nacrtu Programa, ostvari kontakt s nadležnim ministarstvom Kantona Sarajevo, upravom KJKP „Vodovod i kanalizacija“, te nezavisnim stručnjacima u području vodosnabdjevanja, a s ciljem formulacije teme za rad Gradskog vijeća u sljedećoj godini, putem koje bi se gradski vijećnici detaljno upoznati s problematikom, te eventualno sugerirali određene mjere nadležnim organima ka poboljšanju stanja.

TAČKA 3.

Nacrt Politike Grada Sarajeva za mandatni period 2016-2020

Poslije kratkih uvodnih napomena, te rasprave i sažetka Predsjedavajućeg jednoglasno je usvojen sljedeći **zaključak**:

Mandatno-imunitetska komisija sugerira Gradskom vijeću da razmatra Nacrt Politike Grada Sarajeva za mandatni period 2016-2020 kako je predložen i uputi ga u javnu raspravu, uz uvažavanje sljedećeg zaključka.

Mandatsko imunitetska komisija podržava prijedlog Odbora za informatiku da se u dokument uvrsti i novi izazov koji će Sarajevo odrediti kao „Pametni Grad Sarajevo“ te predlaže da Gradsko vijeće politiku Grada Sarajeva naglašeno usmjeri (u okviru svoje nadležnosti, odnosno putem projekata) ka

- rješavanju problema u oblasti urbanog planiranja i zaštiti okoliša u gradu Sarajevu,
- rješavanju problema zapošljavanja mladih,
- rješavanju problema u oblasti sporta.

TAČKA 4.

Predlaganje tema za Program rada Skupštine Kantona Sarajevo za 2018. godinu

Poslije kratkih uvodnih napomena i sažetka Predsjedavajućeg, jednoglasno je usvojen sljedeći **zaključak**:

Mandatsko-imunitetska komisija predlaže da se u Program rada Skupštine Kantona Sarajevo uvrsti razmatranje problematike redovnog i urednog snabdjevanja građana Sarajeva gasom.

TAČKA 5.

Mišljenje o Prednacrtu Zakona o lokalnoj samoupravi Kantona Sarajevo

Poslije kratkih uvodnih napomena, te rasprave i sažetka Predsjedavajućeg jednoglasno je usvojen sljedeći **zaključak**:

1. Mandatsko imunitetska komisija konstatira da je upoznata sa Prednactrom Zakona o lokalnoj samoupravi Kantona Sarajevo i da je primila usmenu informaciju predstavnice Gradonačelnika u vezi stručnog mišljenja o Prednacrtu koji se razmatra.
2. Mandatsko imunitetska komisija podsjeća da mišljenje Grada Sarajeva o Amandmanima na Ustavu Kantona, Skupština Kantona Sarajevo nije uvažila, da Ustavom Kantona Sarajevo nije tretiran teritorij Grada Sarajeva, ali da je Ustavom utvrđen samoupravni djelokrug Grada Sarajeva (što, po mišljenju Grada nije trebalo biti sadržano u Ustavu), te da u ovoj fazi izrade Zakona, nije moguće dati odgovarajuće mišljenje Grada Sarajeva koje bi bilo u okviru stava Grada Sarajeva o reformi lokalne samouprave u Kantonu Sarajevo, a zauzetog u povodu razmatranja Amandmana na Ustavu Kantona.
3. Gradsko vijeće očekuje da će Grad Sarajevo biti na vrijeme pozvan da sudjeluje u javnoj raspravi o Nacrtu Zakona o lokalnoj samoupravi u Kantonu Sarajevo kako bi se očitovalo o rješenjima iz konačnog opredjeljenja predlagača Zakona.

TAČKA 6.

Tekuća pitanja

Članovi Komisije su se usaglasili da se sljedeća sjednica Mandatsko imunitetske komisije održi u ponedjeljak 23.10.2017. godine s početkom u 12:30.

Zapisničar:

PREDSJEDAVALJUĆI KOMISIJE

Mirjana Đanović-Stanić

Snežana Omukić, s.r.